

## نفسى فى توبة

نفسى فى توبة من جوايا  
تبقى لكل ذنوبى نهاية  
يوم ورا يوم وذنوبى بتكثر  
اشوف العبرة وأخطأ أكثر  
وذنوب يشد وراه معصية  
تحلى الدنيا كمان فى عنيا  
أجرى بكل م لى من قوة  
أطلع برة وأدخل جوة  
وتاخذنى الدنيا الواسعة كمان

واطلع من توب الإنسان  
اقول الدنيا دى ملك اديا  
اقتل اسرق حاجة عادية  
اشهد زور وانا مأجور  
اقبل رشوة لو كان عشوة  
اظلم اخوى وأعق ابوى  
ازعق لأمى وأشتم عمى  
كل حاجة عندى عادية  
طعم الدنيا يحلى فى عينى  
وكاس الخمرة يقولى ادينى  
اسهر واسكر ويا المزة  
حلوة الضمة حلوة اللذة  
تحلى الدنيا تانى تجينى

تاخذنى معاها وتودينى  
العب طولة والم قمار  
عمرى فى يوم م ابات محتار  
ويمر العمر شوية شوية  
وكل ذنوبى زى م هية  
وملك العد يعد ورايا  
قلمه بيكتب كل خطايا  
وبعد م عدا العمر وفات  
وبقيت ليا جراح واهات  
قبرى ندانى من قدامى  
بععلى منه اخر إنذار  
وانام ع الفرشة  
قصدى يعنى فراش الموت

نومه طويلة اخرها الموت  
وابداً اقلب في سجلاتي  
سودا طبعا زى حياتي  
وارجع افكر في المكتوب  
عاصي يارب ونفسي اتوب  
احس بطعم ذنوبي وابكي  
علقم مر وازاي رايح اشكي  
انا خلاص قررت مصيري  
سودا نهايتي زى بدايتي  
وكله داهو فضلة خيري  
أصل زماني كان متوصي  
بيا وعمرة م يكسر نفسي  
بس اليوم دا مش يومه

سابنى وساب ويايا همومه  
سابنى عشان ابكى لوحدى  
شايلى ذنبى وداخل لحدى  
طبعا دا هو المكتوب  
عاصى يارب ونفسى اتوب  
بس ياربى مش رايح اياس  
رايح استغفر وكمان البس  
توب التوبة بقية ايامى  
يمكن تتحق احلامى  
ويشيل عنى ربى ذنوب  
عاصى يارب ونفسى اتوب  
نفسى فى توبة من جوايا  
تبقى لكل ذنوبى نهاية